

دائرة مخصوصه

در سعادتده باب عالی جوارنده

محل اداره :

مُتَرَاتِقُ

۱۳۲۶

اخطار :

مسلكمنه موافق آثار جديده مع المنونيه
قبول اولنور

دريج ايدهلدين آثار اعاده اولنور

ديش، فلسفه، علوم، حقوق، ادبياتده و سياستده و باظافه كرك سياستى و كرك اجتماعى و معرلى احوال و شئون اسلاميه و ده بحث ايدر و هفته ده بر نشر اولنور.

آبونه بدلى

سنه لى

التى آيلنى

ممالك عثمانيه ايچون ۸۰

۴۰ غروش

» روسيه ۶۰۰

۳۰۰ روبله

» ساثر ممالك اجنبيه ۱۷

۹ فرانق

صاحب و مؤسسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاره در

قيرله دن مقوا بورو ايله گوندريليرسه سنوى

۲۰ غروش فضله آلير

عدد : ۶۰

۱۳ شوال ۳۲۷ پنجشنبه ۱۵ نشرين اول ۳۲۵

اوچنچى جلد

اويله اولدى . روس حكومتى بونلرى تحت حمايه سسنة آلدينى وقت هر نه قدر دينلرينه ، يزلرينه طوقنايه جفتى شرط ايتمش وبوشر طار مصالحه نامه ده صراحة ذكر ايدلمش ايسه ده «الحكم لمن غلب» حكمنى بالفعل اجرا ايدرک سيبيريا ، استيب ماوراالنهر طرفلرنده ساکن اسلامک ملک مشروعلى اولان يرلر يوز بيکلرجه خاخول عالمه لرى طولديرلدى .

کچن مایسده يالکز سيبيرياه چيلاينسق استاسيونندن بر آى ظرفنده کچن مهاجر خاخوللرک مقدارى (۱۲۰) بيک ايدى . باشقه لرى بوکا قياس اولنه بيلور . ايشته بونلر اسلاملايچون هپ عبرت آلنه جق فجايهدر . بر مصيبت بيک نصيحت دن يکدر . بز جهل وعداوتده بويله راسخ قدم قالدجه آتيله جق هر خطوة ترقى ايچون لغرض بر مانعه دينيه توهم واحداثه چالشده زواللى امت مرحومه يه دهانه لر چکدير ميه جکيز . مدارسک بر آن اول اصلاح ودرسارک تهذيبى چاره لرينه باقلى . قديم جى جديد جى کي تفرقه لره نهايت ويرملى . علماده بر برلرينى بغير حق تکفير و اغلال کي شريعت جليله مزجه قاطبه ممنوع اولان منيائى براقرق شو امتک ساداتى تايمين ايدنه جک اسبابى اعداده باقلى .



«محرر افدى !»

شومکتوبلر يمزى غزته کزه درج ايمه کزى استرحام ايدرز : بز قزائى اسلام طلبه نى اعلان مشروطيتدن بالاستفاده ۱۳۲۷ سنه محرم ۱۸ ده کندمزه مخصوص اولوق اوزره بر جمعيت علميه نك تاسيسنه موفق اولوق . جمعيتمک قراريله انتخاب اولنان بش آلئى دانه حرم نبوى مدرس لردن اصول وترتيب دائره سنده نحو ، عروض ادبيات عربيه ، فقه ، حديث ، تفسير درس لرينى اوقوميه باشلامشوق . بوسنه فى ۸ رجب مدرسین کرام و بعض مجاورين حضراتى حضورنده مذکور فلردن امتحان اجرا اولنه رق سعى وغيرتمز ؛ بالامتحسان بيلندرک حاضر و کرام بوندن پک ممنون اولديلر . بوکونه قدر اصول وترتيب دائره سنده درس اوقومق ، اوقوندينى درس لردن امتحان اجرا ايتک يوقدى . بوايسه آنجق بزم جمعيتمک برنجى ثمره سى اولدى . آتیده انشاءه پروغرا لرمزکدها مکمللشه چکدر . ارباب همت و طنداشلر من جمعيتمزه اللرندن کلديکي قدر معاونتده بولونسهار همتلرى تام يرنده صرف اولنه جنى شهه دن وارسته در ، جمعيتمک نظامنامه سى بو مکتوبله برابر کوندر بيورز .

مدينه قزائى طلبه سى جمعيتى

وقت : مدينه کي ديار بعیده ده اولان عزيز و طنداش طلبه مزک بريره طويلانوب بويله جمعيت تاسيس ايتکلرينى تبریک و موفقيته

نتيجه نمنسى آرزو ايدرز . اللرندن کلن ذوات محترمه يه ده مادی و معنوی معاونت لرده بولمالرينى توصيه ايدرز .

صراط مستقيم

يالکز اسلاميت محبتله واستقبالده دين مدينه خدمت غرضيله اختيار غربت ايدن قزائى اسلام قارداشلر مزي تبریک وشو مبرور تشبثلرينى تقدير ايدر و امر تدريسى درعهده ايدن ذوات عاليه يه ده صميمى تشکر لرمزى عرضه مسارعت ايلرز . فقط شوراده تحت تاثيرنده قالدیغمز بر ملاحظه يى ايتادن کندمزي آله ميورز . کوريلورکه بچاره قزائى اسلام قارداشلر من شداثه استبداده انضمام ايدن ملت محکومه طالعسنز لکيله مصاب بولندقلرى حالده بتون بومشکلاقي اقتحام ايدرک اسلاميتک استقبالى تايمين ايچون علوم جليله دينيه نك تحصيلى فائده بخش بر طرز واصله افراغ ايتکه چايشيورلر . عجا بز نه ياييورز ؛ طلبه علومز حالا بر اثر حيات کوستره ميور . امر تدریس حالا طرز سقيمى محافظه ايدميور . قزائى اسلام قارداشلر مزک شو تشبثلرندن متحصل سوينج اثناسنده طلبه مزک حال عطالتنى دوشونهرک تلخکام اوليورز . خادم دين اولوق اوزره يتشمکه چالیشان و بنا برين مهم و غایت مسؤليتلى بر وظيفه يى درعهده ايتمش صاييلان طلبه مزک دينک استقباله قارشى کوستردکلرى شو آثار لاقيدى يه قارشى آجور ، محزون اوليور ، تأسف ايدميورز . آراتق ايجه بيلملى بزکه اسلاميتک استقبالى طلبه علومک سعى وغيرته وابسته در . طلبه مز نه درجه تنور ايدر ايسه دينزک علوتى دخى اوانسبتده آکلاشيله جقدر . يوق ينه بز بو عزيز و قتلرمزى حاشيه صحيفه لرينى چويرمک ، بى لزوم مناقشات ايله دمکندار اولوق صورتلريله اماته ايدر و جامع لرمزده دين اسلامک علوتى و حيات اجتماعيه يه صورت خدمتى نشريجه بدل اسرايليات ايله تغليط اذهانه چاليشير ايسه ک دينسزلکک تعمم ايتمکه اولسندن طولايى بٹ شکوايه حقمز اوليه جنى کي ، مسؤليت معنويه يى تحملدن دخى آزاده قاله ميه جفزه . اولا کندمزي اصلاح ايتملى بز . دينه خدمت ايدنه جک صورته حاضر لانه لى بز . طلبه علوم شو صورته عهدلرينه ترتب ايدن وظيفه نك اهميتى تماميله تقدير ايدر و اصول تعاليم و تحصيلى فائده بخش بر صورته افراغ ايله ايسه اوزمان مدنيت نقابى آلتنده حيات اجتماعى مليمزي تهديد ايتمکه اولان اخلاقسنز قلرى اساسندن قلع وقعه موفق اولور . مکارم اخلاقى اتمام مقصديله بعث بيوريلان نبي ذیشانک بحق وارثلرى اولدينى اوزمان آکلاشيلور . بو غايه مسعوده يى بتون موجوديتمزه تمنى ايدرز .

«مطبعة خيريه و شرکاسى» مدير مسئول : اشرف اريب